

聖若瑟月日課

天主降生一千九百三十三年

(第三次出版)

聖若瑟月日課

山東兗州府天主堂印書館印

**NIHIL OBSTAT**

**P. H. KAPPENBERG SVD.**

Libr. Censor

**IMPRIMI POTEST**

**P. TH. SCHULZ SVD.**

Sup. Reg.

**IMPRIMATUR**

**YENCHOWFU, die 22. Sept. 1933**

**† A. HENNINGHAUS SVD.**

Vic. Apost. de Yenchowfu.



吁聖若瑟,使我等度生無愆,並賴爾之護佑,恒得履夷無險,  
(凡痛悔虔心念此經者每日得三百天大赦)

## ●第一天

先念天主經聖母經各一遍

天天如此

大聖若瑟。我朝拜耶穌瑪利亞以後。跪到爾台前。慶賀爾爲達味之榮裔。爾之功德。爾之光榮。更超過達味聖王之上。我無功無德之人。求爾爲我主。保扶佑我。遷善鼓勵我成聖。爾之先祖達味。善管主民。爾屬下只有兩人。一是萬王之王。天主聖子耶穌基利斯督。一是天地之母。皇至尊貴之聖母瑪利亞。我樂想爾之光榮。依靠爾之權勢。求爾賞我熱心愛慕之。盡力效法之。並願生前死後恭敬之。光榮之。○達味之榮裔。爲我等祈

聖若瑟禱文○再加別的經（看附錄）天天如此

## ●第二天

至聖至善之若瑟。聖教會稱爾爲聖祖之輝耀。因爾盼望救主降生。比聖祖更熱更切。爾又比聖祖更有功德。亞巴郎。依撒各。亞各伯。雖是耶穌之聖祖。但一生情深望主終末得見。惟爾特蒙天主所選。不但親見救主。而且爲之鞠父。養育之。管教之。真爲新教之大聖祖。遠超過古聖祖之地位。榮福。我慶賀爾。讚美爾。求爾保護我。不犯大罪。辜負爲天主兒女的地位福分。○聖祖之輝

耀爲我等祈

### ●第二天

可愛之聖若瑟。我朝拜耶穌瑪利亞。我亦思爾念爾。熱切愛爾。因爾生前死後於聖母最親最近。天主見爾完全之貞潔。立爾爲聖母之淨配。俾爾保護聖母及聖子耶穌。常與之同居共處。親見善表。多蒙耶穌之聖寵。及聖母之恩愛。因此爾之功德日進。貞潔日純。靈魂亦更光亮。我想念爾之福氣。心歡神樂。慶賀爾稱讚爾。巴不得我之身心。相似於爾潔淨。日日前進。永爲悅樂聖三

之宮殿求爾同爾可愛之淨配瑪利亞轉求其親生之獨子。爾所養育之義子耶穌。保護我同普世童貞。潔淨無罪。○天主聖母之淨配。爲我等祈

### ●第四天

潔淨之聖若瑟。爾義子耶穌。並爾淨配瑪利亞以外。我還要熱心愛慕爾。恭敬爾。因爾爲聖母童貞之潔護。卒世童貞瑪利亞之貞潔。純淨超日光。皎潔超月明。天主聖三一心懸念此無價珍寶。特選爾保護聖母之童貞無險。我慶賀爾之職位。稱讚爾之潔德。將我同天下諸



位童貞。託付與爾。望爾保護我等之靈魂肉身潔淨無罪。

聖母童貞之潔護。爲我等祈

## ●第五天

可敬可頌之聖若瑟。天主聖三不但選爾爲聖母之淨配。而且看重爾之謙遜貞潔及一切功德。立爾爲天主聖子之鞠養。當時熱心敬主者。非無別人。但多功德淺薄。不如爾之完全。故鞠父之責。別無一人。克當其選。惟爾一人能勝其任。我等感謝天主之寵愛特恩。慶賀爾

之光榮。喜歡爾之福氣。稱讚爾之權位。爾既爲全能聖子之鞠父。在聖子台前。亦必有大權大勢。懇求爾。在聖子台前。做我主保。轉求聖子耶穌。賞我恆心避惡行善。至死不犯大罪。離開爾之義子。天主聖子之鞠養。爲我等祈。

## ●第六天

最忠信之聖若瑟。天主第二位聖子降生爲人。甘心隱其全能。與無能嬰孩無異。依賴爾之保護。爾承天主之聖意。竭護衛之苦心。黑落德要殺聖嬰。爾遂攜其母子。

逃往厄日多國。以避其難。及謀害聖嬰之人死。仍回故土。依然勤力護衛之。故聖教會稱爾爲基利斯督之勤衛。自古忠臣位大。功高。皆不及爾護衛萬君之君。萬王之王之地位。我喜歡爾之福氣。讚揚爾之尊位。慶賀爾之光榮。因爾勤力護衛耶穌聖嬰。立有極大功勞。爾一言一語。能求各樣恩典。爲此賴爾全能之轉達。望爾爲我。及爲普天下受窘難。遭危險之人。求耶穌基利斯督之情。另外我於受誘惑。及臨終時。竭力保護我。切莫離開我。遭受惡魔之害。

基利斯督之勤衛。爲我等祈。

## ●第七天

最潔淨之聖若瑟。爾自幼定志守貞，不婚不配。天主喜爾志高性烈。特選爾掌管耶穌瑪利亞，立爾爲聖家之長。爾屬下雖只兩人，遠超過管理天下萬國之光榮。全能之天主耶穌。天地之母瑪利亞，甘心屬爾管。聽爾命。爾惟謙恭正直，以理家務。自古以來，總未見有如此聖德之一家人。並未見如此榮光之當家主。爲此我喜爾福氣。慶爾爵位。並感謝天主賞爾之權勢。因爾善管聖家。我將我全家及普世奉教之門戶，皆託與爾管理。求爾保護伊等平安。使之彼此親愛。熱心敬主。

聖家之長。爲我等祈。

## ●第八天

至聖善之若瑟。爾之功德完全無缺。爲此聖教會。依賴聖神之默啟。稱爾爲義人。令我等呼求說。若瑟至義者。爲我等祈。我實意佩服此言。甚願遵行爾之表率。效法爾之德行。但我心志無恆。氣力軟弱。再加以壞本性之懶惰。肉身之邪情。魔鬼之誘惑。世俗之拘引。世人之惡表。爲此我常以修德立功。守規敬主爲極難。嗚呼。自我領洗以來。享恩之時多。前進之日少。愈後愈不如初。吁。

至義者若瑟。求爾鼓勵我。效法爾之善表。指引我遵行爾道。使我在天堂永遠同爾。並爾義子耶穌。及其聖母共享榮福。讚美聖三。○若瑟至義者。爲我等祈。

## ●第九天

可讚美之若瑟。爾之諸德全備。無不超羣出衆。至於爾之潔德。皎潔純粹。更悅樂天主聖意。立爾爲家長。與耶穌瑪利亞同居共處。以耶穌之利潔。與聖母之淨潔。光耀於爾。因此爾之潔德。完全至極。聖教會讚揚說。若瑟至潔者。爲我等祈。又立爾爲潔淨之主保。俾我等效法。

爾之潔德。大聖若瑟爾深知人本性壞自原祖人心最易向惡肉身每多妄動。再加以魔鬼之暗算。千方百計誘人。失落貞潔無價珍寶。惡人又屢次與邪魔同謀作弊。引人入其迷糊圈套。喪失貞潔之光。我今軟弱無能。難抵誘惑。恐失貞潔之德。爲此求爾爲我之主保。保存我身靈兩潔。並將天下守貞之信友。及一切嬰孩年幼兒人。託付與爾照顧。更願普世教民。賴爾轉達保護。相似潔淨之祭品。悅樂天主之心。又如玉蓺花。發散潔德馨香。使衆人仰慕芳德。若瑟至潔者。爲我等祈。

## ●第十天

耶穌之鞠父。大聖若瑟。爾不自恃爾才。亦不自逞爾智。諸事求主光照。求主指引。故凡爾之所行。無不翕合主旨。雖事至進退兩難。爾以天主之光照。使之各臻妥善。富貴不能動爾心。榮華不能擾爾志。爾以世務如糞土。以功德爲珍寶。一心死於世俗。終身活於天主。聖教會想念爾之明智。稱爾爲至智者。大聖若瑟。我乃無知孩童。易受私慾偏情。邪魔惡人哄騙。以真爲假。以假爲真。而且錯認我之終向。耽悞修德立功。我之行事常有多次錯悞。卑賤世務。虛假光榮。未免感動我心。我懇求爾



轉求天主賞我效法爾。死於世俗。活於天主。藐視世物。  
高看功德。事事謹慎。順從主旨。  
若瑟至智者。爲我等祈

## ● 第十一天

我之主保大聖若瑟。爾勇敢破魔鬼惡計。得勝三仇勁  
敵。以保護天主所託之耶穌聖嬰。並童貞聖母瑪利亞。  
又在患難中不失望。能勇敢依靠天主救應。故聖教會  
稱爾爲至勇者。爾知我是無能無勇之人。常受三仇謀  
害。屢次打傷我靈。攻破我心。我至今沒下地獄者。皆是

天主之仁慈更可怕者。三仇猶不死心。不肯停戰。使我常遭犯大罪下地獄之危險。我雖當不起。爾格外保佑。但我一心依靠爾。盼望爾幫助我。勇敢壓伏犯罪之各樣誘惑。並求爾保護我於臨終時。不受惡魔謀害。死後得升天堂。免陷地獄。我將普世受魔誘者。及臨終待死者。皆託付與爾保護。又求爾拯救普世罪人。脫離魔手。○若瑟至勇者。爲我等祈

## ●第十二天

大聖若瑟。爾爲我立各樣德行善表。我今想念爾是至

順者。因爾事事順聽主命。絲毫不敢自隨己意。爾一心願守貞。但因有天主聖意。遂娶聖母爲妻。黑夜之間。天主命爾速起。攜耶穌聖嬰。及其聖母瑪利亞。速往厄日多國避難。爾乃急速聽命。星夜起身。避居厄日多國。雖受欺負窘困。不敢立意回家。及至天神傳命。方挾聖眷回國。爾之本意願在白冷安家。乃一聞天主有命。遂往納匝肋居住。爾爲天主緣由。亦聽外教皇帝之命。領聖母去往白冷報名。至順者若瑟。爾之善表。常責備我之驕傲。不肯聽命。我今依靠爾之轉達相幫。定志效法爾。全守天主及聖教會之規誡。善聽父母長上正命。並爲

天主之故。捨我意見。誠心服從他人之正意。○若瑟至順者。爲我等祈

### ●第十三天

可恭敬之聖若瑟。聖教會稱爾爲至忠者。非空言也。爾在世遭過多少危難。經過多少試探。終久愛天主如初。事天主如初。頃刻不肯離天主。亦如初。聖母懷孕。爾心不明。得主默啟。如夢初醒。赤心保護。更顯心誠。京都瞻禮。耶穌聖嬰。暗住堂內。使爾三日不見。憂悶至極。日夜尋找。卒得尋獲。爾之照管聖家。旣操心家務。又勞力做

活忠心與耶穌及其聖母同樂同苦。我念及爾之忠信。心中慚愧。因我一遇小難。即不肯忠信事主。愛慕耶穌。與其聖母。我懇求爾。爲我代求寬赦。常鼓勵我效法爾。忠信事主。愛慕耶穌。恭敬聖母。若瑟至忠者。爲我等祈。

## ●第十四天

大聖若瑟。爾爲忍耐之明鏡。雖然在世時。受過一切窮苦凌辱。各等患難。總未抱怨天主。慢怨世人。惟知終身含忍。常是聽從天主安排。我與爾大不相同。不堪作耶

穌之徒弟。因我常無忍耐。不肯背負至公義之天主所賜之十字架。且有諸多小事。一不順心。屢次引予憤怒。以致怨天尤人。至忍耐之若瑟可憐我。轉求爾之義子耶穌。賞我信德。能想苦難凌辱等。逆心之事。雖是苦藥。實係治病驅罪之良方。我若有此信德。自能效法爾。事忍耐。隨從天主聖意。再不敢抱怨天主。忍耐之明鏡。爲我等祈。

## ●第十五天

福哉若瑟。吾主耶穌稱讚真心愛貧者。必得天堂之榮。

福眞寶。世俗人不服耶穌道理。以窮苦爲禍患。以財貝爲眞福。大聖若瑟。天主光照爾。早領爾甘心棄絕財物。終身窮苦度日。爲此聖教會稱爾爲貧窮之實愛。神貧之主保。大聖若瑟。求爾光照我之明悟。使我明白貧窮之體統。富貴之虛幻。又開明我心。令我效法爾。一心棄絕財帛。愛惜貧窮。終身專務得天堂之眞寶。貧窮之實愛。爲我等祈。

## ●第十六天

至聖耶穌之鞠父。聖母之淨配。爾旣無田無土。非勞力

做活不能養活聖家。倘非信德堅固。誰能處此勞苦辛  
勤而不怨。爾爲天主之故。甘心勞力。不嫌卑賤。故聖教  
會立爾爲工藝之表率。當作工匠之師表。我今求爾爲  
我並爲普世傭工匠藝之人。代求信德。令我等爲天主  
勤謹作活。又爲自己補贖罪過。並求爾警戒衆人。不敢  
抱怨天主。虧負別人。  
工藝之表率。爲我等祈

## ●第十七天

至潔淨之聖祖若瑟。聖教會稱爾爲家居之光榮。因爾



齊家之道。全合天主聖規。若天下萬民。家家效法爾。同爾二位聖親之表。世界定能安寧不亂。我將我全家並普世各家。全托與爾照顧。求爾指引爲父母者。爲兒女樹立善表。引之行善避惡。熱心事主守規。又令兒女孝敬父母。順聽正命。俾闔家大小。彼此和睦。上愛天主。下愛人如己。善盡本分。嚴守誠命。○家居之光榮。爲我等祈。

## ●第十八天

聖母之淨配。大聖若瑟。因爾之貞潔超衆。天主選爾保

護卒世童貞瑪利亞爾却不但保護聖母一人舉凡依靠爾之童貞者爾皆認爲己之兒女格外保護之。爲此聖教會稱爾爲童貞之保護。我今跪在爾台前求爾保護我。同普世童貞身心潔淨。能使我等肉身當作潔淨祭品。悅樂天主之護。童貞之保護。爲我等祈。

## ●第十九天

聖家之長大聖若瑟。爾遵天主聖命。辦理聖家日用養廉保護二位聖親。天主以下惟爾爲其依靠救援。今爾

聖家三口。同在天國。共享榮福。爾於世俗家務。不必再行操持。祇以普世奉教家室。皆認爾爲家室之砥柱。依靠爾照顧。保護救援。我亦將我全家。託付與爾。求爾常爲我等主保。保護我等神形平安。○家室之砥柱。爲我等祈。

## ●第二十天

我可愛之主保聖若瑟。爾爲保養聖家。所受之神形苦難。一言難盡。聖母有孕。爾不知聖神之工。心中日夜憂慮。耶穌聖嬰誕生。受盡窮苦嚴寒。爾心大爲悲傷。天神

命爾攜領聖嬰瑪利亞。急往厄日多國避難。爾心痛苦至極。京都瞻禮。失迷聖嬰。三日不見。爾心憂苦難當。但爾在萬苦之中。仍然依靠天主。蒙天主安慰。爾因親自受過重大苦難。亦能安慰憂苦之人。真是苦者之安慰。我因有罪受罰。恐怕難受失望。求爾常常安慰我。鼓勵我。隨從天主聖意。依靠天主保護。我亦將普世苦人。託付與爾慈心。求爾救其神形苦難。苦者之安慰。爲我等祈。

## ●第二十天

大聖若瑟。爾已救過許多人之病苦。聖教會又爲感念

爾之恩惠。又爲引導我等熱心依靠爾。稱讚爾爲病者之希望。我今跪在爾台前。望爾醫療我。及衆人之神形。痛苦。○病者之希望。爲我等祈

## ●第二十二天

至仁慈之若瑟。我一想早晚該離開世界。去聽天主審判。就胆顫心驚。但因天主立爾爲我等臨終主保。心中乃有安慰。依靠爾。求爾在臨終去世時。頃刻不離開我。且保護我。不受惡魔謀害。賞賜我熱心領聖事。得全大赦。又提醒我。將我之生命。甘心交給造生我之天主。當

作贖罪之祭品。我亦將天下臨終之人。託付與爾慈心。求爾保護伊等善終。○臨終之主保。爲我等祈

### ●第二十三天

大能之聖若瑟。爾知魔鬼惱恨天主。不欲我等恭敬之。又嫉妬我等不欲我等救靈升天。爲此千方百計誘惑我等犯罪得罪天主。以陷地獄之中。但我無一所能。不能得勝魔誘。惟知爾是邪魔之驚懼。凡人熱心恭敬爾。呼號爾之聖名。魔鬼立時懼怕。不敢謀害我。今投奔爾。求爾日夜保護我。脫免魔鬼陷害。我生前死後。常感謝

爾之保護。我並將普世受魔誘者。託付與爾求爾相幫一總之人。勇敢敵擋魔誘。○邪魔之驚懼。爲我等祈

## ●第二十四天

忠信之若瑟爾生前照管聖家。今爾在天國應允聖教會的祈求。以爲聖教之保障。保護耶穌之產業子民。屢次拯聖教之窘難。我今將教宗主教司鐸。並一切傳教者。及普世教民。皆託付與爾。求爾廣揚聖教。抵擋魔鬼。惡人及異教之謀害。並指引邪教、外教、棄邪歸正。令天下萬民。共入一棧。統受一牧管轄。格外求爾保護本處

教民熱心平安指引本處教外之人奉教事主  
聖教之保障爲我等祈

### ●第一一五天

最熱愛天主之若瑟。歷來聖賢稱爾爲神修之師傅。爲  
此凡願修德成聖者。嘗請爾爲神師。選爾爲主保。我今  
慶賀爾之光榮。敬拜爾爲我神師。求爾賜我事主成聖  
之善法。指引我恆走德行之道路。領我升天。我將天下  
之修士修女。託付與爾。求爾管教保護。○神修之師傅。  
爲我等祈



## ●第二十六天

至仁慈之若瑟。爾不但以善父之心愛慕養育保護耶穌聖嬰。而且天主又賞爾疼愛教友之恩情。爲此聖人賢士皆稱爾爲信友之善父。我今跪爾台前求爾之恩情。照顧我身靈緊要之需。又求爾保護普世信友平善。領善人前進。引罪人悔改。勸衆人和睦。上愛天主。下愛人如己。我並將煉獄靈魂託付與爾轉達安慰。○信友之善父。爲我等祈

## 第二十七天

慈善之若瑟。無數罪人。依賴爾之護佑。改過自新。得至救靈魂。爲此聖教會稱爾爲罪人之託賴。我大罪人。賴爾慈心求爾可憐我。加我神力神勇。克制犯罪之誘惑。恆心壓伏一切惡情。勤力修德立功。得救靈魂升天。我並將普世罪人。及臨終待死者。皆託付與爾轉達保佑罪人之託賴。爲我等祈

## ●第二十八天

天主最寵愛之若瑟。爾雖是耶穌之鞠父。聖母之淨配。

爵位聖寵。超過羣聖以上。爾仍自卑自賤。甘居人下。爲此聖賢稱爾爲謙德之模範。我本卑賤罪人。無功無德。而反自尊自大。妄想自己之長。審判他人之短。偶經人眼下看。責指或半點過失。便覺傲氣填胸。不能忍受。有時長上提醒我。善勸我。責罰我。我心常覺不安。我今求爾助我。壓服我之驕傲。演習真實謙遜。效法爾甘居人下。樂受輕慢指責。○謙德之模範。爲我等祈

## ●第二十九天

可愛之主保聖若瑟。爾同耶穌瑪利亞。在納匝肋隱居

靜修不出門。不閒談。爾已立此靜心緘默之榜樣。我今  
慣好放肆。動則出遊閒談。靜則糊思亂想。求爾令我存  
心安靜。同爾聖家三口交接往來。助我效法爾之謹口  
慎言。熱心專務祈禱默想。各等神工。在外時常提醒我  
收心斂目。遵聽耶穌聖命。老實相似白鴿。謹慎彷彿長  
蛇。

靜心緘默之榜樣。爲我等祈

## ●第三十天

極榮福之若瑟。我想爾在世時。日夜掛念耶穌聖嬰切。

望天下萬民認識之。信從之。祇因所愛之百姓。不識其爲救世真主。棄絕之。爾心憂悶至極。天主爲賞報爾之善心。賜爾死後升天。當作天朝首相。願普世教民恭敬爾。我今謝主特選慶賀爾之尊位福氣。祈爾轉求天主。賞我同爾一心一德。以主之光榮爲我歡樂。以主之凌辱爲我憂悶。我先不但未有光榮天主。且犯無數罪過。凌辱之。我今愧悔難當。賴爾保佑。定志誠心行善避惡。加增天主光榮。並引衆人顯揚天主之尊位。天朝首相。爲我等祈。

## ●第三十一天

天朝大臣聖若瑟。我誠心慶賀爾爲中國大主保。感謝爾之恩保。求爾保獲通國平安。令君民熱心事奉。獨一無二之真天主。光榮之以傳揚其聖教。另外將我全家及本處教民託付與爾。使之嚴守誠命。整立善表。又求爾指引本處外教人民。一心棄絕邪神。恭敬真主。○中國大主保。爲我等祈

★附錄

聖若瑟禱文

啟天主矜憐我等

應基利斯督矜憐我等

啟基利斯督俯聽我等

啟在天天主父者

贖世天主子者

聖神天主者

三位一體天主者

聖瑪利亞

天主矜憐我等

應基利斯督垂允我等

應矜憐我等

啟聖若瑟

達味之榮裔

聖祖之輝耀

天主聖母之淨配

聖母童貞之潔護

天主聖子之鞠養

基利斯督之勤衛

聖家之長

若瑟至義者

若瑟至潔者

三十六

應爲我等祈



若瑟至智者  
若瑟至勇者  
若瑟至順者  
若瑟至忠者  
忍耐之明鏡  
貧窮之實愛  
工藝之表率  
家居之光榮  
童貞之保護  
家室之砥柱

苦者之安慰

病者之希望

臨終之王保

邪魔之驚懼

聖教之保障

除免世罪天主羔羊者

主赦我等

除免世罪天主羔羊者

主允我等

除免世罪天主羔羊者

主憐我等

啟主立之爲己家長

應又立之爲諸產之主

請衆同禱 天主爾以莫名之制特簡榮福若瑟爲童  
貞聖母之淨配。懇祈賜我等凡在世恭敬其主保者。  
在天得蒙其轉達。乃爾與天主罷德肋及天主斯彼  
利多三多爲一天主。乃生乃王世世 亞們

教皇庇護第十頒賜每日一次三百日大赦

### 向聖若瑟求潔淨誦

童貞之主保。並童貞之父。聖若瑟。乃爾是天主所選爲  
看守至聖之至潔者耶穌基利斯督。及童貞之童貞者  
瑪利亞。我懇求爾爲至愛耶穌瑪利亞。天主所託於爾

者賜我免諸玷污。而恆以純靈淨心貞身奉事耶穌瑪利亞。亞們。每日一百天大赦。

向聖若瑟求護佑誦

吁。聖若瑟。使我等度生無愆。並賴爾之護佑。恆得履夷無險。凡痛悔虔心念此經者。每日得三百天大赦。

聖若瑟七苦七樂經

聖母有孕。天神未報。不知其由。聖人一苦。  
天神來報。聖母受孕。天主聖子。聖人一樂。  
極貞至潔。童貞聖母瑪利亞之淨配。聖若瑟。爾見聖母

懷孕吾主不知其由。爾心不勝驚苦。及天神夢中爲爾解疑。爾心無任忻樂。我今稱讚爾懇求爾。仰望爲爾苦。爲爾樂。今世佑我善生。臨終佑我如爾善死。於吾主耶穌暨聖母瑪利亞之中。

天主經

聖母經

聖三光榮頌

各一遍

主誕隆冬。臥於馬槽。襁衣裹體。聖人二苦。無數天神。從天降臨。拜揚吾主。聖人二樂。

滿被榮福。鞠養吾主耶穌者。聖若瑟。爾見吾主生爾貧家。爾心不勝痛苦。迨聞天神空中頌揚天主。爾心無任忻樂。我今稱讚爾懇求爾。仰望爲爾苦。爲爾樂。佑我死。

後得升天堂。聽諸天神讚美於天主。永享榮福。

天主經 聖母經 聖三光榮頌 各一遍

聖嬰割損。聖血廣流。呱聲哀切。聖人三苦。依天神報。立名耶穌。乃救世主。聖人三樂。

承順主命。無違者。聖若瑟。爾見吾主受行古禮。以石刀割損聖肢。爾心不勝痛苦。追聞稱主耶穌之名。爾心無任忻樂。我今稱讚爾。懇求爾仰望爲爾苦。爲爾樂。轉求天主。賜我生時。能倚主名。退絕諸罪之緣。引死時。心口合一。稱誦主名而謝世。

天主經 聖母經 聖三光榮頌 各一遍

聞西默盎預言吾主受難之狀。聖人四苦。  
聖西默盎讚美吾主。將救萬民。聖人四樂。

通達救世奧義者。聖若瑟。爾聆西默盎祝讚吾主。如衆  
矢所集之鵠。聖母如利刃刺心。爾心不勝痛苦。乃爾明  
達吾主與聖母之苦。能救贖萬民。又爲多人之榮復活。  
爾心無任忻樂。我稱讚爾。懇求爾。仰望爲爾苦。爲爾樂。  
以吾主耶穌之功勞。聖母瑪利亞之主保。賜我將來。能  
得榮光之復活。

天主經 聖母經 聖三光榮頌 各一遍

王黑落德。心生惡計。謀弑吾主。聖人五苦。

避日多國。見諸魔像。自仆破碎。聖人五樂。

謙謹伴衛天主聖子者。聖若瑟爾。以極貧竭力鞠養吾主。更窘迫於避害。而往厄日多。爾心不勝痛苦。但爾得親顧復天主聖子。且見彼地魔像爲主傾頽。爾心無任忻樂。我今稱讚爾。懇求爾仰望爲爾苦。爲爾樂。轉求天主。賜我能避地獄虐王之害。能傾頽私慾諸惡情。生時專心奉事吾王耶穌及聖母。死候偕同聖母聖子。安然而逝。

天主經 聖母經 聖三光榮頌 各一遍

新王亦厲恐生惡計。謀弑吾主。聖人六苦。



久居異地。天神復報得還本鄉。聖人六樂。

極尊上主之世。使者聖若瑟。爾受聖子承順之德。攜聖子及聖母。自厄日多。而回日路撒冷。爾聞亞格老嗣黑落德之位。心中不勝憂苦。後得天神慰示平安。回歸納匝肋府。爾心無任忻樂。我今稱讚爾。懇求爾仰望爲爾苦。爲爾樂。賜我形神安和無恐無懼。偕吾主耶穌聖母暨瑪利亞。以生以死。

天主經 聖母經 聖三光榮頌 各一遍

京都瞻禮。行歸在路。不見吾主。聖人七苦。  
尋覓吾主。三日得見。在殿講道。聖人七樂。

萬德諸善之表儀者。聖若瑟爾失吾主三日。雖非爾罪所致。爾心不勝痛苦。多方尋覓。三日後得遇吾主。在聖殿講論於教士之中。爾心無任忻樂。我今稱讚爾。懇求爾仰望爲爾苦。爲爾樂。轉求天主。賜我至終不失吾主。或不幸有何罪惡。以致失主。求賜我如爾痛苦尋覓。必至見主。併籲懇佑我死後得見吾主。偕爾及諸聖人聖女。享厥榮福。

天主經 聖母經 聖三光榮誦 各一遍

對經 維時耶穌甫至三十歲。而人稱伊爲若瑟之子。  
啟聖若瑟爲我等祈

應以致我等幸承基利斯督所許之洪錫

請衆同禱 吾主天主因無言可言之統。爾簡榮  
福之若瑟。爲爾聖母之淨配。懇祈天主。賜我等如於世  
上敬聖若瑟主保。亦於天堂。蒙其轉達。乃生乃王。世世  
亞們

凡痛悔虔誦此經得大赦

求聖若瑟爲中國大主保

虔恭求爾。爲我等轉達於爾所愛之子耶穌。赦我等罪。  
又求爾爲本國主保。轉求天主。憐視中國未奉教者。開  
其心。明其目。使反邪歸正。能知信望愛之德。通國欽崇。

聖教大行。不致邪魔誘惑。及至死後同升天國。共享眞福。亞們

讚美聖若瑟大主保

讚美若瑟瑪利亞淨配瑪利亞貞德。最潔之證。及聖母之護。聖母之伴慰者。懇求若瑟轉達天主。爲諸童貞者。諸鰥寡者。及諸夫婦者。俾其大衆遠離諸邪勝諸誘惑。而恆加于淨潔。

讚美若瑟鞠養耶穌。看守導引服事耶穌。大忠臣者。懇求若瑟轉達天主。賜與我等哀矜窮者。看顧病者。安慰憂者。服事諸人。爲主耶穌。而眞是耶穌一樣。

讚美若瑟謙德之深。忍德之誠。全順命之大。式朴直之  
真模。及愛德之熱烈者。求聖若瑟轉達天主。賜與我等。  
謙忍從命。純朴仁愛。諸德諸行。

讚美若瑟常愛聖母。常事聖母。常慰常和。常念常輔。及  
常效聖母者。求聖若瑟轉達天主。賜與我等。恆愛聖母。  
恆效聖母。恆滿其意。恆揚其名。俾在天堂。永覩其美。永  
讚其德。永享其福。

讚美若瑟信德之峻。望德之堅。愛德之純。與救人靈魂  
之大神火者。求聖若瑟轉達耶穌。賜與我等。信德之恆。  
望德之定。愛德之虔。與救人靈魂熱烈之火。

讚美若瑟。廣揚耶穌聖名。歡然顯之于異民者。求聖若瑟。哀憐中國。大開在茲傳教之路。降福學堂。引善鐸德。加增其數。至于人多。甘以致命為主耶穌。而做信輩之美種。

讚美若瑟。中國大主保。我等干城。我等慈望。我等光榮。我等仁父。我等之大祐者。求聖若瑟。轉達天主。賜與我等。避諸凶惡。免諸患難。善勝諸仇。息諸風波。讚美若瑟。良善者之範。和睦者之模式。求聖若瑟。轉達天主。賜與中國。太平太寧。安定政府。輔祐良民。黜衆匪。賊。敗負而散。

讚美若瑟平生諸勞。諸苦。諸樂。諸功者。求聖若瑟轉達  
天主。賜與我等恆忍于難。恆謙于樂。恆醒恆禱。以防諸  
禍。以報諸恩。

讚美若瑟臨終者之祐。並在耶穌及聖母手中。蒙得至  
善之死者。求聖若瑟轉達天主。賜與我等在吾死候。盡  
伏魔能。得勝諸誘誠。全之悔。諸罪全赦。甘領死案。而恩  
死亡。在主耶穌及聖母之手。

●聖若瑟歌

一○耶穌至聖鞠父

古新教之聖祖

聖母之淨配兮

聖達味之榮裔

請看我衆信友

朝拜爾行敬禮

慶賀我可愛之慈父

二〇亞物聖家之長

眞福大聖若瑟

聖教大能保障

望爾護聖教會

爾爲教民之望

又爲苦人之慰

望死後偕爾享榮光

三〇爾蒙天主寵愛

爾乃功德超衆

爾又以愛還愛

故主加增恩寵

請爾爲我表率

望爾幫我善終

使我脫免地獄永災

亞們

Cantus: Te, Joseph, celebrent.



24  
161041  
051

28